

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA

Broj: T04 0 KT 0066659 26
Zenica, 28.04.2026. godine

OPĆINSKI SUD VISOKO
VISOKO

Na osnovu člana 45. stav 1. i 2. tačka i), člana 241. stav 1. Zakona o krivičnom postupku Federacije Bosne i Hercegovine (ZKP F BiH), podižem,

O P T U Ź N I C U

Protiv:

K. D., ..., neosuđivan,

Što je:

Dana 08.11.2025. godine, oko 23:30 sati u Brezi u ulici ..., nakon što je prilikom upravljanja putničkim vozilom marke „...“ registarskih oznaka ... zaustavljen i kontrolisan od strane policijskih službenika PS Breza, S. E. i Z. E. koji su postupali po Patrolnom nalogu PS Breza broj ..., te nakon što je utvrđeno da je u alkoholisanom stanju, te da u organizmu ima 2,23 promila alkohola i nakon što mu je saopšteno da će biti lišen slobode i zadržan do otrježnjenja u prostorijama PS Breza, te sankcionisan zbog počinjenog prekršaja, isti je svjesno i s namjerom silom pokušao spriječiti službene osobe u vršenju službene radnje, na način da se najprije povišenim tonom obratio policijskim službenicima riječima: „Nećete vi nikoga lišiti, neću ja ići s vama, ne možete mi ništa, pustite me da idem do prodavnice, a poslije ću kući“, pa nakon što su navedeni policijski službenici otpočeli radnju lišenja slobode, uhvatio je objema rukama za uniformu policajca S. E. u predjelu prsa i bacio ga na betonsko tlo, nanijevši mu tom prilikom laku tjelesnu povredu u vidu nagnječno-razderotinske rane tjemenog dijela glave, što je i htio, nakon čega je od strane obojice policajaca primjenom sredstava prinude savladan i lišen slobode,

čime je počinio krivično djelo „Sprečavanje službene osobe u vršenju službene radnje“ iz člana 358. stav 3. u vezi stava 2. i stava 1. KZ F BiH, sve u vezi sa članom 28. KZ F BiH.